

Fasti Mariani

Brunner, Andreas

Antverpiæ, M.D.C XXX III.

S. Lavrentivs M. 10. Augusti.

[urn:nbn:de:hbz:466:1-70962](#)

S. LA VRENTIVS M. 10. Augusti.

Duciebat ad mortem Sixtus Pont. Max. & ecce L A V R E N T I V S expostulare cum hoc cœpit, non quod ad præmia iret, sed quod sine filio pater iret. Enimvero qui ad aram socius fuerit, ad crucem se futurum. Ad hæc Sixtus: suum esse præire, ministri sequi, suum, heredem vitæ relinquere, cuius si fuisset, propediem etiam mortis futurum ; thesauros interim Ecclesia tyranni manibus subduceret. His iactior L A V R E N T I V S confessim opes omnes sacras in pauperum finus abdit, hic cælo condunt. Valerianum deinde hiantem & inhiantem ad templum dicit, & pauperem longo ordine de ponte gregem monstrans, hic inquit, thesauri, quos orbis habet, sunt maxi- mi. quin tu hos ambis avarus, hos foves, &, si sapis, his tuum etiam jungis ærarium. Hic Imperator virgas, flagra, ignes inclamare, & hæc omnia cotinuo L A V R E N T I O carnifices admovere, ut jam abeuntem animam Deo Martyr commendaret. Sed è Cælitibus adfuit, qui sudorem Athletæ & sanguinem linteo abstergeret. Tyrannus interim os L A V R E N T I I saxis, hic vero aures tyranni verbis liberrimis pulsavit. Ad extreum craticulæ super injectus, & lento igne tostus, non tamē insultare

Va-

Valeriano destituit, sed subinde arridēs illi, *verte* exclamavit, & *manduca*. Et ille quidem hoc epulo indignus fuit. At cæli, quos jam dudum odor nobilissimi convivii exciverat, ad se tam nobile ferculum rapuerunt, & convivas, si modo placet, etiam nos habere peroptant.
Ex Lip. & Baron.

S. ALEXANDER E.P. II. Aug.

IN uno vultu & Philosophum & Carbonarium & Episcopum & Christi Martyrem agnosce. Poterat equidem ALEXANDER inter sapientiæ candidatos facile princeps esse, cum ipsi jam honores suum clientem ambirent. Sed maluit ille honestiore ambitu sordidatus calum prensare & inter silvas abditus, quibus stultissima mundi vota notaret damnaretque carbones facere. Interea advenit Gregorius Pont. (is qui à magnis mirisque factis nomen habet) Comanis Præsulem datus. Hic cum omnium vota in opulentos & genere ac clientelis nobiles spectaret, unus Gregorius virtutem potius ait in solium extollendam, ubi ubi demum illa etiam sub lacero pallio latitaret. Quin igitur (cum risu è turbâ nescio quis subdit) dictatore ab aratro nobis, aut certè à carbonibus suis ALEXANDRVM adduci imperas splendentemque jata ante à rogo suo insulâ insuper

exor-